

## VAUGHAN, JOHN ('Siôn Grythor'; bu farw 1824), arlunydd a ffidler

**Enw:** John Vaughan  
**Ffugenw:** Siôn Grythor  
**Dyddiad marw:** 1824  
**Rhyw:** Gwryw  
**Galwedigaeth:** arlunydd a ffidler  
**Maes gweithgaredd:** Celf a Phensaerniaeth; Cerddoriaeth; Perfformio  
**Awdur:** William Llewelyn Davies

Dywed [W. Davies Leathart](#) yr arferai ganu'r ffidil yng nghyfarfodydd Cymdeithas y Gwyneddigion, Llundain, tua'r flwyddyn 1776. Paentiodd ddarlun o [Owen Jones](#) ('Owain Myvyr'). Bu farw 1824 mewn oedran mawr.

Brawd iddo oedd WILLIAM VAUGHAN, brodor o Gonwy, un o aelodau cynharaf y Gwyneddigion. Dywed [Leathart](#) yr edrychid arno fel 'a dandy of the first order, a distinction he was not a little proud of,' ac ychwanega ei fod yn berthynas i'r arglwyddes Mostyn, mam y [Syr Thomas Mostyn](#) a fu farw yn 1831. Margaret, merch ac aeres [Hugh Wynn](#), LL.D., Bodysgallen a Berthddu, oedd yr arglwyddes Mostyn hon; yr oedd hi yn aeres [Bodysgallen](#) (gerllaw Conwy), Plasmawr (Conwy), [Bodidris \(sir Ddinbych\)](#), a [Chorsygedol \(Sir Feirionnydd\)](#). Bu William Vaughan farw yn Hammersmith c. 1827, yntau hefyd mewn oedran mawr.

### Awdur

Syr William Llewelyn Davies, (1887 - 1952)

### Ffynonellau

Leathart, *Origin and Progress of the Gwyneddigion Society of London* (London 1831) (London, 1831)

M. O. Jones, *Bywgraffiaeth Cerddorion Cymreig* (1890)

*Y Cymmrodor*, 1951, 96, 117

### Dolenni Ychwanegol

Wikidata: [Q28361495](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

